

Concert da benefienza per quels cun alzheimer

(anr) Igl è gia la quarta giada che l'Uniun dad alzheimer dal Grischun ha organisà a Seewis-Sievgia en il Partenz in'emna da vacanzas per malsauns da demenza ed ils plitiers ch'als tgiran. La culminaziun è bain stada il concert da benefienza cun la Brass Band Sursilvana (BBS).

Cun quella emna da vacanzas ha l'Uniun grischuna dad alzheimer vulì dar als giasts la pussaivladad da pudair sa schlucar e recuvrar novas forzas. Ils plitiers pudevan vegnir en dicurs e barattar opiniuns cun auters che han la medema sort ed era discurren cun ils spezialists.

Il punct culminant da quest onn è stà il concert da benefienza cun la BBS sut la direcziun da *Roman Caprez*. Che quella reputada furmaziun musicala è sa de-

clerada pronta da cooperar na sa chapescha betg da sasez. *Martin Candinas* ha preschentà bain la BBS ed era timunà oraifer tras il program dal concert. El fa part da la suprastanza da l'Uniun d'alzheimer dal Grischun. *Martin Candinas* è dapi 2006 deputà dal circol da la Cadi en il cussegl grond ed è uss candidat da la Surselva per il cussegl naziunal.

Tuttacas èn ins da l'opiniun ch'il concert da benefienza da la BBS saja stà tant culminaziun da l'emna da vacanzas en il Partenz sco er in daletg per tuts che han prendì part. E sco il correspondent dal Partenz, *Edy Walser*, concluda ses rapport, stoppian ins constatar senza la minima scuidanza ch'ils Sursilvans sajan davairas fitg musicals.